



Agensi Kelayakan Malaysia
Malaysian Qualifications Agency

Tel : +603-7968 7044 | Faks : +603-7954 7125

KETUA PEGAWAI EKSEKUTIF
(Chief Executive Officer)
AGENSI KELAYAKAN MALAYSIA
(Malaysian Qualifications Agency)

www.mqa.gov.my

OFFICIAL : Agensi Kelayakan Malaysia (MQA)

MQA Malaysia (@MQAMalaysia)

MQA_Malaysia



NO GIFT POLICY

Flexible Education. Beyond Borders. Creating The Future

Ruj. Kami : MQA.100-1/7/1 Jld. 2 (8)

Tarikh 29 Jun 2018

Berkuatkuasa 1 Julai 2018 alamat baharu
MQA adalah:

Agensi Kelayakan Malaysia
Bangunan Mercuri MQA
No 3539, Jalan Teknokrat 7, Cyber 5
63000 Cyberjaya, Selangor.

KEPADA SEMUA PEMBERI PENDIDIKAN TINGGI (PPT)

Tuan/Puan,

PEKELILING MQA BIL. 5/2018

KETETAPAN BAGI PEMBERI PENDIDIKAN TINGGI (PPT) MALAYSIA YANG BERCADANG UNTUK MENAWARKAN PROGRAM KERJASAMA DI LUAR NEGARA

Dengan hormatnya saya merujuk kepada perkara di atas dan keputusan Mesyuarat Kajian Semula Dasar-Dasar Berkaitan Jaminan Kualiti Kementerian Pendidikan Tinggi-Agensi Kelayakan Malaysia (KPT-MQA) Bil. 1/2018 bertarikh 17 April 2018.

2. Selaras dengan keputusan tersebut, semua program pengajian di Malaysia (selain daripada program profesional) yang telah mendapat Perakuan Akreditasi Penuh MQA perlu dipantau secara bersesuaian jika ditawarkan di luar negara. Ini bagi memastikan sistem jaminan kualiti yang setara dilaksanakan dalam pengendalian program di luar premis yang diakreditasi oleh MQA. Secara tidak langsung, pelaksanaan dengan tata cara yang sistematik dapat memelihara reputasi penawaran program di Malaysia yang telah mendapat pengesahan jaminan kualiti.

3. Justeru, program kerjasama di luar negara adalah tertakluk kepada semakan dan pemantauan MQA mengikut keperluan dan kesesuaian. PPT Malaysia perlu memaklumkan MQA dan sentiasa mengemas kini maklumat berkaitan program yang ditawarkan secara kerjasama di luar negara serta mematuhi ketetapan lain seperti yang dinyatakan dalam **Lampiran 1**.

4. Ketetapan tersebut merangkumi perkara-perkara seperti berikut:

- i. Program pengajian yang mendapat Perakuan Akreditasi Penuh (*Full Accreditation, FA*);
- ii. Semua tahap program pengajian;
- iii. Program pengajian yang ditawarkan secara konvensional; dan
- iv. Kelayakan dianugerahkan oleh PPT Malaysia.

5. MQA memohon agar semua PPT dapat memberi perhatian dan kerjasama untuk melaksanakan ketetapan dasar ini agar dapat memenuhi keperluan jaminan kualiti program pendidikan tinggi.

Sekian, terima kasih.

“BERKHIDMAT UNTUK NEGARA”

Yang ikhlas,



(DATO' DR. RAHMAH BINTI MOHAMED)

E-mel: rahmah@mqa.gov.my

s.k.:

1. YBhg. Ketua Setiausaha
Pejabat Ketua Setiausaha
Kementerian Pendidikan Malaysia
Aras 17, No. 2, Menara 2
Jalan P5/6, Presint 5
62200 W.P. PUTRAJAYA
2. YBhg. Ketua Pengarah Pendidikan Tinggi
Jabatan Pendidikan Tinggi
Kementerian Pendidikan Malaysia
Aras 9, No. 2, Menara 2
Jalan P5/6, Presint 5
62200 W.P. PUTRAJAYA
3. YBhg. Ketua Pengarah
Jabatan Pendidikan Politeknik
Kementerian Pendidikan Malaysia
Aras 5, Galeria PjH, Jalan P4w
Persiaran Perdana, Presint 4
62100 W.P. PUTRAJAYA
4. YBhg. Ketua Pengarah
Jabatan Pendidikan Kolej Komuniti
Kementerian Pendidikan Malaysia
Aras 7, Galeria PjH, Jalan P4w
Persiaran Perdana, Presint 4
62100 W.P. PUTRAJAYA
5. SUSK YB Menteri Pendidikan
Pejabat Menteri Pendidikan
Kementerian Pendidikan Malaysia
Aras 18, No. 2, Menara 2
Jalan P5/6, Presint 5
62200 W.P. PUTRAJAYA
6. Ketua Eksekutif
Perbadanan Tabung Pendidikan Tinggi Nasional (PTPTN)
Tingkat Bawah, Menara PTPTN
Blok D, Megan Avenue II
No.12, Jalan Yap Kwan Seng
50450 W.P. KUALA LUMPUR

7. Ketua Pegawai Eksekutif
Education Malaysia Global Services (EMGS)
Tingkat 20, Menara TA One
22 Jalan P Ramlee
50250 W.P. KUALA LUMPUR

8. Sekretariat
Jawatankuasa Naib Canselor/Rektor Universiti Awam (JKNC/R UA)
Pejabat Naib Canselor
Universiti Malaysia Pahang
26600 PEKAN, PAHANG DARUL MAKMUR

9. Sekretariat
Jawatankuasa Timbalan-Timbalan Naib Canselor/Rektor (Akademik &
Antarabangsa) (JKTNCRA IPTA)
Pejabat Timbalan Naib Canselor (Akademik & Antarabangsa)
Tingkat 9, Canselori
Universiti Malaya
50603 KUALA LUMPUR

KETETAPAN BAGI PEMBERI PENDIDIKAN TINGGI (PPT) MALAYSIA YANG BERCADANG UNTUK MENAWARKAN PROGRAM KERJASAMA DI LUAR NEGARA

Berikut merupakan perkara-perkara yang perlu dipatuhi oleh PPT Malaysia:

1. **Dasar Kerjasama Program dari Konteks PPT Malaysia sebagai *Franchisor*** seperti yang dinyatakan dalam Pekeliling Pengurusan Pendidikan Tinggi Swasta (PPTS), Jabatan Pendidikan Tinggi (JPT), Kementerian Pendidikan Tinggi (KPT) Bil. 2/2017 dengan rujukan JPT/GS1000-606 Jld. 2(1) bertarikh 12 April 2017.
2. **Pemakluman Penawaran Program Kerjasama di Luar Negara**
 - a. PPT perlu memaklumkan MQA apabila perjanjian kerjasama penawaran program telah dimuktamadkan dengan Institusi Pendidikan Tinggi (IPT) di luar negara.
 - b. Pemakluman PPT perlu menyertakan maklumat berikut:
 - i. Maklumat lengkap berkaitan IPT luar negara dari segi penubuhan institusi yang sah, status institusi (kolej, universiti atau sebagainya), governan dan pengurusan, senarai program pengajian yang ditawarkan, kemudahan dan maklumat penarafan / *ranking* / lain-lain pengiktirafan oleh pihak berkuasa tempatan negara berkenaan (ini termasuk salinan rekod rasmi pihak berkuasa negara berkenaan berkaitan penubuhan dan status institusi).
 - ii. Salinan laporan validasi terhadap kesediaan IPT luar Negara menjalankan program pengajian yang merangkumi tetapi tidak terhad kepada perkara-perkara berikut:
 - Staf akademik;
 - Kemudahan dan sumber pendidikan;
 - Khidmat sokongan pelajar;
 - Pengurusan akademik;
 - Kedudukan kewangan; dan
 - Sistem kualiti dalaman akademik.

3. Dokumen Perjanjian (*Memorandum of Agreement, MOA*)

- a. Mengemukakan dokumen perjanjian kerjasama penawaran program.
- b. Dokumen perjanjian kerjasama menyatakan dengan jelas perkara-perkara berikut:
 - i. Tempoh minimum perjanjian adalah 7 tahun dan diperbaharui berdasarkan persetujuan bersama kedua-dua pihak;
 - ii. Peranan dan tanggung jawab kedua-dua belah pihak;
 - iii. IPT luar negara perlu memastikan kesemua peraturan tempatan dan jaminan kualiti dipatuhi sepenuhnya dalam mengendalikan program kerjasama ini. Ini bagi memastikan pengiktirafan program kerjasama tersebut dipelihara bersumberkan sistem pendidikan tinggi negara terbabit;
 - iv. Polisi 'teach out' dan tanggung jawab terhadap kebajikan pelajar sekiranya perjanjian ditamatkan sebelum tamat tempoh atau lain-lain alasan;
 - v. Keperluan lawatan audit oleh MQA ke IPT luar negara yang terlibat sekiranya diperlukan.
 - vi. Sistem jaminan kualiti dalaman PPT Malaysia sentiasa memastikan pengendalian program pada tahap kualiti yang setara seperti yang dilaksanakan di Malaysia. Ini termasuk memastikan pematuhan terhadap *Malaysian Qualifications Framework* (MQF) dan standard-standard yang berkaitan.

4. Kandungan Kurikulum dan Struktur Program

- a. Memastikan program pengajian yang ditawarkan secara kerjasama tidak berbeza secara substantif dengan program pengajian yang ditawarkan di Malaysia.
- b. IPT luar negara dibenarkan untuk menawarkan kursus elektif dalam program kerjasama setelah mendapat kelulusan PPT Malaysia. Ini mengambil kira sekiranya terdapat keperluan elemen tempatan yang perlu dimasukkan dalam kurikulum program pengajian tersebut.

- c. Secara prinsipnya, penawaran program kerjasama perlu memenuhi apa-apa sahaja komponen kurikulum yang dianggap sebagai ketetapan nasional negara tersebut.

5. Sistem Penyimpanan Maklumat dan Rekod

- a. MQA perlu dimaklumkan dari semasa ke semasa sekiranya terdapat sebarang perubahan berkaitan penawaran program pengajian atau pelaksanaan jaminan kualiti atau sebarang perubahan substantif maklumat dalam dokumen perjanjian asal.
- b. Sebarang pengemaskinian maklumat program di Malaysia yang dikemukakan oleh PPT kepada MQA perlu menyertakan maklumat yang berkaitan program kerjasama ini.
- c. Memastikan semua maklumat dan rekod berkaitan staf akademik, pelajar, graduan, bahan penilaian dan sistem moderasi serta proses jaminan kualiti dalaman disimpan dan dipelihara dengan baik.

6. Pemantauan dan Semakan MQA

- a. MQA akan membuat semakan terhadap pelaksanaan program tersebut melalui semakan dokumentasi (*desktop review*) dan / atau semakan pemantauan apabila program pengajian yang sama di Malaysia telah mencapai tempoh audit pematuhan (sekali dalam tempoh 5 tahun) atau sekiranya terdapat keraguan berkaitan dengan kualiti program.
- b. PPT Malaysia dikehendaki menanggung kos lawatan audit ke premis IPT luar negara sekiranya semakan terhadap pelaksanaan program di sana diperlukan.
- c. Maklumat berkaitan penghentian atau penarikan balik akreditasi akan dikemas kini dalam MQR untuk rujukan pihak berkuasa luar negara.